




T5464/83(22)







敬業堂詩續集

敬業堂詩續集

第一卷

湯與集上

古今體詩一百十六首

第二卷

湯與集下

古今體詩一百二十首

第三卷

餘生集上

古今體詩二百四首

第四卷


餘生集下

古今體詩一百三十首

第五卷

詣獄集

古今體詩七十四首



第六卷

生還集 古今體詩七十七首

住切集 古今體詩五首

敬業堂詩續集目錄

敬業堂詩續集卷一

海寧 查慎行 悔餘



漫與集上起戊戌五月盡庚子十二月

少陵云老去詩篇渾漫與俗本多誤與為興東坡先生用之云清篇真湯與叶入語韻可證興字之繆余年衰才盡從前媿乏驚人之句已鏤板問世悔莫能追自茲以往當日就頽唐不知餘生尚閱幾寒暑更得幾首詩也

介庵上人新住古衡丙舍贈以六言二絕

插竹編籬作苦灌園抱甕忘機叟叟松風吹帶溥溥草露沾衣

老去師宜住靜佳時我定來遊一段因緣不淺兩條拄杖交頭

聞許立巖侍御內陞列卿將假歸省覲喜而有寄兼呈座主宗伯公

宦途原自達家慶復誰同堂上尚書履門前御史驄望雲占喜氣計日及秋風預蠟陪游屐詩成報謝公

盆池荷花六韻

七月二日

庭窄無池位埋盆種藕芽四年空布葉今日忽開花照影亭亭上迴風故故斜涼生三尺幌香透一重紗物性清難奪人情少見誇跣趺如可結莫便委泥沙

用辟支佛事

題沈麟洲覓句圖

君家遠有承詩是東陽格苦覓人不知却道無心獲

閱二日德尹芝田兩弟皆有和章詩來而花已

謝次韻

陳根抽五蕊一朵粲新芽野老衰遲目仙人頃刻花有莖仍挺拔是葉總天斜畫乏施丹手詩留護壁紗瑤池歌已遠玉井語徒誇若要顏長駐除非伏火砂

許立巖見過村居

茆齋無客到門刺荷相投水長萍浮岸橋低石礙舟六年驚易過一飯挽難留忍作恣恣別菹鱸已報秋

喜雨集陶

重離照南陸炎火屢焚如夏雲多奇峰近瞻百里餘田

家豈不苦似為饑所驅白日淪西河始雷發東隅神淵
瀉時雨好風與之俱良苗亦懷新繞屋樹扶疎農務各
有歸吾亦愛吾廬悠悠待秋稼且還讀我書即事多所
欣慰情良勝無

戊戌秋陶菴中丞由粵東巡解入都道經吾里

枉使見存山肴村釀追送于黃灣傳舍長律志

別十六韻

道遠驅馳數恩深出入勞兩年開幕府六月載星旄
展垂天翼山移戴角鼈先聲飛組練小隊偃弓刀當暑
佳眠食沿途戒驛騷僕夫非況瘁王事有游敖重譯銷
烽燧單車沛雨膏來調洽海日及賦出江詩中丞于中
秋後一日

渡錢塘竊聽詩篇富懸知氣象豪前旌臨敝邑枉訊到吾

曹衰賤才何有先生誼獨高昨容修刺謁今許贈言叨

先生許為後會殊難卜餘歡又一遭吟還催剪燭節欲
余作詩序

近題糕野餉攜蔬藪村沽載濁醪敢邀騶從辱三徑滿

蓬蒿

閏八月望夕桂堂小飲芝田有詩次其韻

菊叢未吐桂叢幽前度追驩發興猶月轉黃昏成白晝

天回寒露作中秋明日為寒露節安排格韻訓詩敵牽率茶僧

預飲流謂得泉法師三十八年同一夢夢闌忽失少年遊庚申

閏中秋余客黔南幕府今三十八年矣

寒露後六日偕東亭德尹曾三芝田諸弟集季

方兄曉天書屋芝田以詩索和次原韻

不然已過登高會霜露中分閏月天家有弟兄如老友

身除疾病即頑仙夜涼庭桂殘香候秋澹籬花嫩蕊先

累爾輓轡頻下汲近來唵思似枯泉蘇子由詩云老人

不下甕盎乾年來每有宴會芝田必首唱索和故云

重九雨中偕諸兄弟赴曾三之招

齒會寧嫌數佳辰不憚勞門前泥滑滑堂外雨嘈嘈軟

美糕蒸栗鮮肥蠲擘膏海山青似染縱目勝登高

後六日德尹治具邀諸兄弟登龍山小憩西林

庵再過妙果山房看菊二首

忽聞乾鵲報檐聲昨夜猶防雨阻行雲日放晴天有信

霜風吹髻帽多情同遊特許緇隨素一醉頻煩弟勸兄

不負年年為此會鄉山洽恰占佳名

五日為期六日遲流光如駛詎堪追菊尋西社初開處

楓愛吳江半落時興到儘拚雙屐往力稀全靠一筇支

笑將閒事成心事已補登高又補詩

立冬後二夕大雷雨

夏令冬行虐陰陽變慘舒蟲經坏戶後雷似發聲初窗

裂新糊紙簷鳴暴漲渠一燈愁不寐細檢五行書

長至前後經旬苦雨田租不入廚人告米罄適

芝田弟詩至和以遣懷

薄田纔二頃歲入給官私小縣開倉蚤秋糧例於十月朔開徵荒

村得米遲連旬多凍雨來日乏晨炊誰道衡門下洋洋

可療饑毛詩箋樂饑作療饑義與療同

閱邸抄知副相揆公奉 特旨予謚文端感賦

一律

易名事大敢輕論忽聽綸褒下紫闈兩字克當何媿色

九原可作詎孤恩本師君不忘胡震用李贊皇集中事 受業人

終笑孔璠却望寢門遙破涕借將朝典慰吟鳧

小除日翁蘿軒見餉橙橘

鄉風稀餽歲遠信自當湖磊落承筐實紅黃照座隅偷

嘗無婢妾繞膝有孫雛計口分甘徧餘存逮老夫

己亥元旦二首時余年七十

蚤梅殘雪散氛氲春色三分過半分以上日幾逢兼雨水

半月前立春今日交雨中氣 吉占且喜有風雲史記天官書正月旦欲終日有雨有雲有

風有 閒門掃軌眠方穩絕塞傳烽耳怕聞歲事推遷成

舊物屠蘇又是六回醺余歸田已六年

須髻皤然齒豁然杖鄉以後杖朝前所慚客拜長遲答

若問吾車已蚤懸兄事無人難諱老一月前連喪榆村季方兩兄北史傳

永常諱言老 養生有論笑希仙當前任放兒童戲記得

身騎竹馬年白香山年七十有詩云大曆年中騎竹馬幾人得見會昌春

元宵家宴

冰雪經旬臥欣逢霽景澄不辜滄海月又點草堂燈酒

力春寒退年光老態增傳柑虛故事回首望觚稜

春分後五日雪

冬暖梅全落春寒柳未柔
淡天雲澹澹蔽埜雪浮浮
漸補茆茨缺微添石礧流
芒屨閒挂壁二月尚重裘

畱硤川五日歸來牡丹盛開

不知人世有繁華春去渾如輾
轆車公道肯饒頭上髮
吾生且看眼前花風翻雨打無
欄護日薄雲輕抵幕遮
贏得村鄰詫奇事麻姑又到蔡
經家

風雨中自禾郡攜歸白紫二色芍藥芝田有詩

索和次來韻

半月花情閱牡丹將離與展後
期寬兩叢買取淺深色
一艇載將風雨寒白髮衰翁羞
獨對紫衣年少笑相看

多緣我相生分別可愛羊脂愛馬肝

七十生日德尹以詩五章為壽次韻酬之

影與形俱步步隨兩情一味似兒時
未成學業年加長

有限精神日就衰削草舊存師授易

數論余近輯玩辭集解
半出黎洲先生家災梨新刻手編詩
薺甘荼苦從誰說我外唯應爾

知文瀾筆陣一時平勿問人間子墨卿
竹簟茅檐存晚計

玉堂金殿話前生達如南郭原無偶
痛比西河未喪明

也與老萊同七十只除顏色不如嬰

蚤知老病合休官不謂居貧爾許難
蟻穴隄防非一缺

燕巢泥補取麤完

時方修葺
屋宇故云盤登苦苴傷蔬沒

有甘蔗被竹彈沈休文有修竹彈甘蔗文萬事轉頭多失策疆憑筋力與追驩

家門樂事人言少先後相尋賦遂初藥樹陰交扶杖茶煙風遞隔牆居回思壯日多岐路容易頽年共敵廬且喜手栽梨棗熟斷無荆棘待芟鋤

椿菌何分大小年多生緣境在雲泉慧輸靈運希成佛詭託曼都號斥仙求友孰踰兄弟好貯書頗望子孫賢繞身笑指叢殘架個是先生二頃田

老友王子穎移家沈蕩遠來為余稱壽詩以謝之

太息同儕畧喪亾天留一一作靈光已未夏集殮和堂者十人今唯子穎

及余兄弟在耳豪情減後難忘友宦業貧來易去鄉共研分燈論往事烹葵剪韭勸餘觴我如蒲柳君松柏七十還輸八十疆王年八十一矣

端陽後四日盆荷作花

老夫生日纔過二又向花前引一杯合被兒童傳好語去年六月未曾開

酬徐茶坪兼題其詩集次竹垞贈徐舊韻

余生值惡月微類繆占雀用唐書崔信明傳中事侵尋感耄及交

舊久離索方當鐵化魚忽訝玉抵鵲凌朝來信使剝啄扣門闌猥煩徐佐卿遠致一隻鶴是時夏苦旱村舍甚熏灼清風穆如至九鎖為啓鑰好句滿緘封俄倒囊傾

橐大雅世誰陳斯人獨歌号擾龍作家畜遇虎以手搏
 豪健力所勝仰擲俯奚作沂源杜韓氏變化出槩矧其
 質儼陶匏其文匪粉釀羹鮑干癭湯茗快一瀾幢高
 有精進輪轉無退却長鳴得子和謂思又肯縻好爵足
 知造化爐金火謝外爍不爭屈宋豔詎笑齊梁弱自我
 畦徑開傍誰樊籬託固宜與時背方枘難入鑿此就詩
 論詩於焉得大畧吾尤服其品拔俗高連連蚤成名進
 士官海恥涉脚問時年幾何陸機初入洛行藏斷諸內
 韁鎖遽擺落厭踏嚴城鼓愛聽蕭寺鐸掇第如摘髭視
 官如棄葑述庚辰春夏間君登第後事却歸研經史心跡雙寂寞到
 今二十年嗜古勤逾恪憶昔潛采翁竹垞論文慎唯諾

從君賞才藻昆友並淵博一孔一針投有若絲在篋翁
 今宰木拱君復傷棗萼不有宿好敦晨星孰聯絡王楊
 數儕輩非曰乏富駱眼獨為余青書來篋刮膜何時浮
 震澤放棹下三箬傳柝聞魯邾計程殊閩貉佇待暑暍
 蠲微涼度疎箔閒攜石麟子過我履交錯滌除騷士悲
 披拂風人作尚欲丐餘波潤茲轍鮒涸敢云奏刀手薄
 技呈灑削棗梨甫被災落葉費掃掠書來索余集時制
謔字亂堆方丈室翦少一弓拓然而不自鄙顧晒子雲
 閣荷君附同調有味寄澹漠君豈終山林吾宜置邱壑
 長虞岐出處庶望互評泊相期覲面論雙觥當對酌時
雙酒觥
見貽

苦旱行

祝融不卹為農苦晴過三旬竟無雨榨槁上水遠灌田
日炙風吹變剛鹵幾家結伴還插秧秧針嫩綠旋旋黃
千畦百隴仰灌溉河底行見輕塵揚君不聞潮聲撼塘
岌岌殆外溢中乾兩相倍眼前勿作雲漢憂或恐桑田
遂成海

苦熱吟

水如沸兮山如焚青天白日兮騰火雲雨師潛蹤兮風
伯避爰有蠅蚋兮薨薨成羣晨餐兮廢筋夜無眠兮徹
曙半年傳舍兮三易官煩暑不隨兮酷吏去時吾邑署
令將離任
吁嗟嘻若教暑退吏尚留兮二者相較其誰尤兮我吟

苦熱熱猶可支兮世無涼土去此安歸兮北史嘽國
傳夏遷涼土

冬逐
暖處

抱膝圖贊 并敘

孔明抱膝隆中其志殆未易測史家謂其嘗自比
管樂世遂以英豪目之觀其誠子書云靜以修身
儉以養德又云學欲靜也才欲學也多是聖賢分
上語豈屑以霸佐自命者哉許子純也性靜以儉
有才而篤學命工寫照以抱膝名圖吾知其所取
固在此不在彼也因發其指而系以贊曰

聖賢之道與襍霸異孟卑管功孔小管器史官失職世
降而季屈王佐才侔於功利彼臥者龍孰窺涯涘當其

抱膝悶如遜世泊乎遇主適會時至于焉致遠於焉明
志儒者之效章章如是我師古人得其大意繫惟神契
非曰形似學崇厥基才歷乎試是庸作替拭目以俟

中元後復有江右之役吳尺鳧浣輪兄弟招同
翁蘿軒章豈績楊東崖柴陞升吳志尚成桂舟
馬寒中家可亭飲繡谷軒席間多賦詩見送別

後寄答一首

新知舊好極纏綿唱艣歌驪惜此筵漸老漸稀朋酒會
忽晴忽雨早涼天身隨筆墨為人役時白中丞招影落
修江西通志
江湖祇自憐霜雪滿頭閒未得五年三上富春船
雨後發常山將抵玉山縣途中復遇大雨

一漑功無及三秋喘未蘇時浙東久旱
暑猶未退官徵山縣賦戶
減石田租樂土今何處衰年復此塗油衣非瓦屋寧免
載露濡

舟發玉山遇順風止挂半帆楊東涯有詩戲次
原韻二首

吾師今日奏奇功快意多生美滿中杜牧詩千帆美滿風
帆美滿風此理乘
除看爛熟上灘連遇石尤風數口前阻
風貌頭
碓牀夾岸湧盤渦電掣雷奔瞥眼過老怯風波吾已慣
被君翻作半帆歌

過貴溪哭同年王辰幟

同年餘幾箇小別死生分老去常為客重來又哭君前

嚴州哭詹廉夫
今又喪我辰幟政條留邑乘歸櫬阻秦雲出拜多襁褓
兒啼詎忍聞

水蛾嘆

舟人云江湖間每八月此蟲出三日則止天所以資魚食也

我聞宵蛾赴火死今見飛飛晨赴水成羣百萬蔽江來
江闊風高颺不起嗟爾之生良已微捐軀適救魚鼈饑
可憐水火均不免兩翼原來是禍機

中秋南昌書局對月限韻

又作殊方會牽牛昏正中客程千里外鄉語一尊同快

讀新詩句

東崖疊韻詩即席先成

閒思舊桂叢愛眠幸好月莫笑

白頭翁

白近薇中丞席上賦贈

衰遲重作豫章游直為徵書禮聘優座上開尊傾北海
花間懸榻下南州交情到我真青眼事業如君尚黑頭
共識此邦文獻古編摩須仗網羅求

雨中藩長許孝超年伯招飲紫薇堂

早從才子識高陽卅載通門綴末行花底清談銷積暑
城頭片雨送新涼圖書列屋開東壁絲竹留賓到後堂
誰似先生風義古下車下榻兩難忘

次君條侯癸酉同舉京兆

與祁鶴亭臬長話舊

重來仍款款昔別悔匆匆遇我非今雨於君見古風閒
能空訟詬雅喜接詩筒慚媿相投句猶蒙記憶中

南昌李少峰明府見示詩刻題贈一首

作客逢仙吏投詩見楚材汗青千古事浮白一編開地
遠蛟龍伏秋空鶴鶴來同年有難弟末契託追陪令兄
與徐癸未同年
魯山一作眉三

重陽前四日許藩長送鞠

開徑無黃菊敲門到白衣瓦盆親位置籬落有光輝時

庭新設不礙看花晚偏宜摘蕊稀重陽思共賞留取借

竹籬書叙是日兼

明日雨中祁臬長李南昌復送菊以詩索和

滿目皆秋色何煩冒雨尋自增幽谷趣不起故園心地
主風流接生涯節序侵懸知簿書暇亦未廢清吟

次鶴亭臬長重陽菊未開韻

風雨開緘引興長滿庭菊蕊尚含香詩逢高調難酬和
人到中年易感傷時鶴亭有感未免有情成結習從來名
種必遲芳題糕頌酒渾閒事添得連朝一段忙

重九喜晴偕諸子遊東湖百花洲得高字

初聞簷雨響蕭騷漸吐晴光散鬱陶萬事古來難逆料
一年今日又登高城隅宛轉黃沙岸檻外參差白雪濤
講武亭空僧舍古幽清直覺勝江臬

再過憩雲菴訪心壁禪師得登字

川光雲影恣憑陵掌握猶餘佛面藤愛續清遊無外客
閒追往事問南僧當筵落帽狂何有踏屐尋詩老尚能
世出世間同此樂太平時節報三登白中丞曾濤雨於
此時雨公亭初成

是日李少峰劉敬臣兩明府復邀遊列岫亭再
限重陽二字

良辰賢主兩難逢有約來聽郭外鐘古寺出門風浩浩
晚山隔岸翠重重南飛渚有隨陽鳥北走江如掉尾龍
露白蒹蒼遙極目知從何處采芙蓉

此閒名勝擅滕王別有孤亭著北岡題壁我留清氣味
快晴天假好風光徑須酌酹酬高會何必登臨定故鄉
借取一鳴詩作結今朝第七十重陽

末句用司空表聖成語

後一日白近薇中丞招遊百花洲

琉璃凝碧寫金天擇勝攜觴此地偏賞接賓朋連九日
恩加魚鳥及三年蓬壺別境通花鳥簫鼓中流少畫船

百度知君多舉廢眼前豈獨一亭然

地為講武亭故址

題秋江返棹圖送心壁禪師歸廬山開先寺即

次九日過訪韻

閣上留題記石凌巖頭已長到天藤師應勿拒重來客
我亦曾為過去僧小劫如風吹易過勝游似夢續難能
撥開雲霧全身現誰謂匡廬不可登

兩公亭詩為白近薇中丞賦次鶴亭觀察原韻

後樂先憂視此亭誰施妙手繪丹青為霖預卜君臣

契被澤旋教婦子寧大有兩書傳列郡屢豐一頌徹
彤庭從今箕畢占長驗不用山川更乞靈

同諸子步至李紹津家看池上木芙蓉

不乘籃筭不扶筇步屨相將喜過從一片秋光開老眼
御書樓外看芙蓉

曲欄渾似野人家倒影盆池落綺霞紅白淺深皆可意
最憐渠是後開花

殘陽西墮月東升霜氣初消露氣蒸座客微酣花亦醉
不勝情態兩曹騰

臨別殷勤又一杯半開時節勝全開心知爛熳無多日
日日閒須日日來

盆菊初開連朝苦雨移盆入室即事成詩

擔頭分得籬邊種繁蕊爭開四十窠幸免後時霜凜冽
難禁連日雨滂沱高人避世今餘幾好友登堂儘愛多

珍重詩翁擡舉意莫教一老便成莎

戴石屏詩菊花
雖老不成莎

立冬日招李少峰偕寓中諸子賞菊限韻二首

自我來居此真成野老家編籬分井竈啓戶納烟霞已
涉初冬節還看九日花勿辭開口笑白髮鬪霜華

逡巡初有待爛熳忽齊開似戀羈人住兼邀好客來澹
交論臭味薄設忝尊壘相勸陶彭澤能無盡興回

大雨枕上作

狂飈裂紙牕徑入卧榻前吹萬豈可息我衰自無眠寒
燈澹孤光月落庭西偏却觀鼻端白一寂謝衆喧

殘菊

娟娟盆中花黃白各自好霜風一披拂甘作科上槁人

情委牆角枯苑孰相保我欲餐其英毋令儕庶草

聞鶴亭觀察陪白中丞西山行圍却寄二首

芻蕘雉兔與民同纜了農功績武功見說山深無伏莽
滌場時節咏豳風

急雪重裘九月寒塞山三度記隨 鑿須防見獵初心
在矍樂猶能起跨鞍

白中丞以 御賜鹿條分餉賦謝二章

山莊地是古興桓別展圍場千里寬白露節前行射鹿
丹楓林外想 回鑿榮光遠自雲端下珍味原同席上
看奏使歸來傳異數似聞 天語勸加餐

一味無私惠愛均黃封重疊荷分珍似憐白首羈樓客

曾作青雲扈從臣尾割紫瓊親拜

賜元耶律楚材
鹿尾詩微香

馥馥紫
瓊漿

條烹紅玉又嘗新詩成却笑西川杜菜把園官

是主人

杜工部園官詩云清晨送菜把長荷
地主恩蓋未嘗拜嚴中丞之貺也

有感二首

齒豁頭童一禿翁依然自課比蒙童滄桑漸遠傳聞異
文獻無徵感歎同論出一時雖袞袞事關千古敢匆匆
轉慚虛下陳蕃榻不作州民作寓公

自別家來脩九旬枯桑海水夢紛紜心銜清宦虛分俸
頭責先生老賣文雨雪欲衝千里返江湖只被一山分
如何兄弟天南北不及隨行鴈有羣

久不得潤木中
州信頗以為念

瑞雪吟為白中丞六十壽

歲已亥冬建丑月臘尾春前三日中丞周甲際斯晨
 萬里祥光飄玉屑滿城霧凇呈奇卉拔地霜松挺高節
 孺子亭邊一片明元嬰閣外千重白中野頻來集澤鴻
 豐年預卜連雲麥家家飽暖挾狐貂處處謳歌騰巷陌
 天然圖畫入屏障此景難憑粉繪設瓊枝琪樹佳子弟
 水鑑冰壺好顏色眼前無物可容塵世上何人堪比潔
 肝腸如此天所鑒公豈自誇人盡識野夫今年年七十
 來作南州老賓客擬披鶴氅去登堂快與先生吟瑞雪
 立春前三日南昌李明府送春牛至口占四絕
 句
 滿城積雪尚堆堆半月堅冰未肯開忽漫雪消冰盡釋

門前簫鼓送春來

青角烏牛白作唇勾芒中立與鞭春李涪刊誤云月令

之早晚其年立春在十二月晦則策牛硯田別有耕犁

人當中立春在正月望則策牛人在後叟已是年開八秩人年開第八秩香山

也擬看春出曳筇怕人笑我太龍鍾不知柳色東郊路

再得餘年幾度逢

眼前物換又星移為報風流邑宰知印鎖未開閒趁取

急傳箋遞送寒詩

立春日楊東崖次前韻四首屬余再疊

敗筆叢書擁作堆閒門除雪徑初開村夫子舍了無事
 大似殘冬放學來

風光劔首劇吹唇白髮平分一半春三十五年真大夢
陳人猶自作勞人甲子春余客此今三十五年矣

支扉不出廢支筇隨分鄰沽呷兩鍾細檢曆元重記日
立春甲子幾曾逢

擊鉢聲中漏乍移燈花未卜已先知打乖近得堯夫訣
博取羊何論卷詩

人日喜辜孝廉會可至即次去年初入書局原
韻

白須紅頰氣橫秋入座爭輸第一籌勝裏有花如送喜
眼前唯醉可銷愁新年未爽尋梅約好友何煩出谷求
廊廟山林俱分定勸君莫作杞人憂時聞西陸將出師原作有江湖時有

廟堂憂之句故云

元夕陪白近薇中丞滄浪亭燈宴

湖亭佳處郭東偏元夕剛逢雨霽天碧浪影翻空際月
紅雲光拔火中蓮開成爛熳千枝艷散作溟濛萬井烟
共識與民同樂意滿城簫鼓卜豐年

傷李氏外孫朝英

六歲初從傅居然骨骼成見人知禮數憐汝太聰明殤
後嗟無服悲來劇有情可堪遲莫眼灑泪為彌甥

屋漏詩戲次陳搖上楊東崖唱酬韻

昔漏恒在雨今漏乃在雪雪來絮飄搖雪止汁淋瀝居
停同露宿夢作載胥溺寧煩中流壺賴有中唐甃家僮

習承雷仰面工伺敵一瀉如懸河餘聲猶點滴

哭李壻暘谷二首

明珠乍失掌中珍一慟寧知竟殞身生怕迴腸唯弱女
死難瞑目為重親短長夢欠從前債露電光銷過去因
盡賣琴書供薄殮世家誰信本來貧

頭白歸來所向窮哭兒哭壻六年中每因小別愁余病
豈料重來送汝終事到傷心難自遣天留望眼頓成空
分明識得泥洹路何取人間作老翁

傳經圖詩柴陞升屬賦

自從科詔興六籍傍注腳先生玉為律子弟珠在握修
畛接菑畬連楹開講幄主張三尺喙出入四寸學九牛

羣附毛五鹿罕折角可憐遺經在例取束高閣前聖多
微言斯人孰先覺柴生名父子雅慕過庭樂淵源想授
受俗筆恥輕搦向來逐時趨有力不如犖回思巾笥業
至味餘香穉髣髴圖畫中梓材勤樸斲人生不朽名豈
必一第擢舉場雖云淹世澤優且渥傳家庶無忝作計
良已慙我亦章句儒詩成有餘恠

白近薇中丞招遊廬山信宿秀峰寺得詩四首

開府香山後匡廬洵有緣官雖膺節鉞性自愛雲泉騶
騎行長減齋壇禮必虔每逢三月節來此祝堯年
御扁名新換山門向不移法雲開麗刹佛日獻晨曦賓
客蓮花幕郎君瓊樹枝不嫌衰賤跡兼與野人期

舊識金繩路重叅玉版禪却從扶杖日數到入山年壬申八月余游開先心壁禪師亦於是歲十月來主法席今二十九年矣白社名相亞靈峰會

儼然所慚根器鈍得道讓兄先心公長余一歲禮當稱師兄

玉峽挂雙龍飛来自半空風雲聲忽合山澤氣常通法乳流相續僧庖給不窮漱牙還洗眼兩度記衰翁

過萬山寺有懷熙怡長老

我愛熙怡叟對人雙耳聾重來門徑改久坐影堂空雲氣微茫外湖光隱見中萬杉何處是叟叟但松風

重憩棲賢寺有懷角子禪師

再到棲賢寺蒼涼憶角師雨中煩設榻燈下對論詩存歿初難料興衰各有時袈裟來揖客舊識小沙彌

恭謁白鹿書院

五百僧房外巋然一講堂曾蒙君子教湯惕菴前輩似曾主教同學似

到聖人鄉六代詩書澤千秋翰墨光大成殿懸書扁額對聯御

老思歸宿地端合掃門牆

舟發南康不及過圓通寺聞老衲杲庵年八十

餘精力尚如故以詩寄之

名僧多示寂壬申秋住持東林曰宗雷西林曰宗魯大

曰晉生今皆下世贖爾古須看夢想曾遊處亭憐夜話時圓通寺夜

話亭歐陽公與居衲故蹟也此身俱向老再見恐難期石畔逢圓澤

三生未可知

星子毛明府餉廬山新茶

山中摘得火前春，箸籠分嘗味取新。我苦校書君作吏，暫時相對作閒人。

答湯碩人見投三章次原韻

南豐湯仲子投我好篇章，世講久彌篤交情。淡故長探懷餘湯刺入，坐接清光翻惜相逢晚。須看各老蒼，此地論文獻君家。一老泉富留書萬卷，貧守屋三椽。宦業鄉人諱儒風，令子傳滄桑。多少事，援筆意茫然。世味酸鹹外，才名出處中。追游憐雨散，持論戒雷同。冉冉年垂暮，栖栖道豈窮。數行相慰藉，別後見深衷。

題李次侯太守小照

白沙翠竹曾題句

十八年前為司農公題白沙翠竹江村圖當日將君比鳳

雛八十年來留望眼，重看老蚌出雙珠。

圖中兩郎君侍立左右

題亡壻李暘谷小像

跡跡之才馴良之德，何以馭之勿盡其力。

解一人間逸足

一日千里勗哉十駕，終期至止。

解二昂昂家駒，覲游泮渙

齒雖加長塗未及半。

解三吁嗟殞矣神理則那式，瞻遺挂

傷如之何。

解四

題朱莢園勸菜圖

食肉何當更食魚，算來無味比園蔬。勸君勤把金鴉觜，種後工夫尚費鋤。

南昌客舍贈別及門樓敬思赴廣州理狴同知任

劉髯名諸生才氣壓流輩曾攜一尺管出入三殿內憶
昨直武英纂修端汝賴囊錐看脫穎萬里宰苗寨初任粵西

靈川縣手掃烏白蠻如鉏薈草艾屬韃偶然事竟以功奏

最邂逅兩中丞陳乾齋楊天爵薦剡趣入召對至尊記名姓

寮案增盼睐去日雪濼浮來時浪澎湃南州重見面歡

喜出意外告别乞贈言行赴五羊倅官非百夫長顧領

弓刀隊公然專城居唯諾視進退狴兮亦民耳在宥託

覆載牧之則牛羊撻之則蜂蠆皇天本好生赤子彼何

罪使君來撫字茲理諒不昧男兒屬有才官職大可耐

守身等藏器況乃高堂在三年詎久淹典郡屈指待子

壯我衰頽後期恐難再殷勤效苦語凡百幸自愛

陸聚緱楊東崖自豫章歸應本省鄉試口占一

律贈行

西陵來往渡南浦別離筵得路寧論晚同舟況是仙陸

應慚顧後楊肯讓盧前倚賴秋風便佳音望蚤傳

周子象益竹垞先生外孫也將歸索句贈以二

章

醜舫竹垞齋名流風在名家世孰如魏舒真宅相王粲且傳

書雅量能容衆清言足起予搏扶看直上無分借吹噓

學力君加富年顏我就衰江天星復散人世首重回會

合知何日殷勤盡此杯應憐歸未得一老尚風埃

中伏日題瑞金楊季重秀才深隴梅花圖二首

我昨曾遊大庾嶺梅花臈月已全開君家想在畫邊住
那不叩門衝雪來

矮屋疎籬曲曲通何來一陣過溪風人間炎熱無處避
好入先生詩句中

七月二日大雨

昨日日蝕今日雨陰陽氣候迥不同九津怒漲北流水
一榻快受西來風威挾雷霆尋丈外氣蘇草木須臾中
牀頭有酒且獨酌不覺連醕瓶為空

白中丞內擢少司農以述懷詩索和次原韻疊
成四章兼以奉送

西江清望冠羣倫 帝眷寧容遽乞身公時引疾奏請
辭職奉特旨

內及見仁風翔率土洵知直道在斯民時方入闈士子
皆不肯赴試意
在攀分頒條教家家奉入告封章字字真湯說武陽遺
愛古何如今日滿江津

善政年來次第陳先憂後樂總關身波濤脫險便商旅
雨露流膏徧士民功被千秋心轉細碑傳萬口語皆真
賸留一事逡巡在未濬三湖及九津公嘗欲開豫章溝
以蓄洩東湖之水

故及

出膺旌節入垂紳遠近同歸祇潔身地重何妨卿是貳
風清尤喜部稱民匡時有道持孤介報國無慙任一
真貪把新詩再三讀篇終餘味尚津津
南來小住俄經歲萬卷堆中寄此身下榻久欣依地主

僑居直欲作州民雲泥相望殊懸絕筆札時傳恕率真
怪得臨分猶戀戀白頭無望客平津時志局告竣
余亦將歸矣
讀易至噬嗑適德尹以黃芽菜見餉戲拈一首
噬肉何煩滅鼻為頤中有物好觀頤齒牙落後剛難克
舌在差於軟美宜

客江西踰年歸來庭花盡萎惟紅梅一樹無恙
徘徊其下偶成一律

百卉全搖落孤標省見稀鬪筇枝並瘦刮目蕊添肥去
作經年別來如度嶺歸從渠開早暮與驗發生機

臘寒

澤國愁冬早茅齋閉積陰臘前雷忽奮歲杪雪方深半

前雷電
交作苦竹叢相亞疎梅冷不禁負暄宜野老人有向
陽心

敬業堂詩續集卷一終

姪男

學校刊

敬業堂詩續集卷二

海寧 查慎行 悔餘

湯與集下

起辛丑正月盡
壬寅十二月

辛丑元日用數目字口占八句

吾生七秩又加二五老今為最老夫

同宗五人
會余年居長兄弟

四人三並宅兒孫八輩半將雛從歸田後九年矣自反
胸中一事無幸戴堯天逢再閨龍飛六十效嵩呼

題女史陳書畫松

蒼顏白甲之而擎攫振五鬣兮三針瀉長風兮一壑人
稱矯矯之龍自比亭亭之鶴噫世無張璪與畢宏乃令
閨中女士為汝填丹青

八日立春德尹招同諸弟小飲

纔過人日恰逢春隔宿招邀及令辰臘雪消檐呈獸瓦

凍醪吹琰起魚鱗追驪夢忽踰三載榆村季方兩兄歿於戊戌之冬此會

久疎門健天猶賸五人一事能無咄過分華燈不稱在

家貧時潤木自洛中寄燈至

驚蟄前二日偕寒中德尹西阡探梅

夜聞枕底殷殷雷曉約酒伴尋春來流雲欲釀社翁雨

驚蟄尚慳人日梅南枝北枝渾未動一朶兩朶俄先開

婆娑其下索共笑頭白更何煩汝催

後七日曾三弟招同諸弟再過西阡看梅歸飲

其齋中續成一首

耀眼千頭與萬頭十分可有一分留但逢酒熟邀同醉

不遣花開悵獨游老至幾曾辜節物頻來直為近松楸

杖端攜得苔枝去趁取燈前爛煬酬

雨中得川法師攜新詩見示兼謀及卓庵地因

次東林講席舊韻贈之

嗟興吾全減煩師為鼓宮病堅持戒力閒得念經功有

路宜防滑無塵可礙空一瓶兼一鉢萬事付痴聾

春寒

臘雪兼春雪春寒甚臘寒池冰開復結野服袂如單啓

戶憐羣蟄移盆誤蚤蘭靜中諳物變應得後時看

四月二十二日喜得曾孫命名長齡詩以志之

昔作京華客曾傳孟浪言

數年前友人至京師傳余已得曾孫及接家信乃曾孫女

也十年留望眼今日慰衰門所幸男非女誰為祖抱孫

同堂湯餅會老淚暗添痕

傷大兒也

鬚髻何須鑷孫枝又茁庭渾忘吾短景且祝汝長齡仍

世慙黃甲他年免白丁

方岳石孫受命詩得免白丁奚啻足

留傳窮事業

十葉有專經

子家自大理公而下衣冠凡十世矣

黃梅無雨嘆

舍南舍北單鳩鳴入梅入時一月晴蘊隆蟲蟲地欲裂

日出杲杲天無情人間只有為農苦天且不憐誰恤汝

踏車時節亟催科敲朴聲中泪成雨

吳郡志吳人以芒種日謂之入梅後

十五日謂之入時

夏夜

星火乍明滅螢光入檻流近來渾少睡夏夜長於秋

久旱田禾多被蟲蝕鄰翁來告紀之以詩

氣羸滋百騰

毛詩箋螟騰之屬四蟲盛陽氣羸則生月令百騰時起是陽行而生陽盛則蟲起也

早魃爾何驕赤壤沙泉涸青天野火燒憑誰祈好雨無

力救良苗亦有憂時意徒歌湯作謠

佛抱入泮名基德尹長子也

屬望無窮在員纜弟子充禮應加冠字年甫及成童弓

冶名家後門閭喜氣中向憐生校晚猶足慰而翁

立秋

閏六月十六日

半年分節序兩月度炎曦天到涼生候人如病起時斬

藤蘇老樹引蔓上枯籬稍悟栽培理勞生未敢辭

遣悶五首

蕪荒十畝田活計聽兒輩老翁無外事灑掃此庭內庭
前手蒔花早久仰一漑一漑力尚能求多非所逮
葵藿知傾陽牽牛故自匿秋來常早起及此好顏色引
蔓爾許長敷榮憐頃刻人生亦朝露乃復為太息
布幔設多年與人拒炎威狂風忽吹裂屋角颺酒旗迨
茲暑將徂補綴聊撐支有情戀故物何必遽改為
達道吾未能課孫比課子隔牆催上學初日漏牕紙雷
霆夜來過似鬪牀下螳惟有讀書聲琅然偏入耳
涉世已七旬勞形非一徑當時快意處衰退多成病吾

衰吾病宜壯健時豈更醫無奪胎法勿藥麤安命

禱雨辭

康熙歲辛丑閏厄六月杪五行火息水金氣鑠原燎號
萬性不齊可憐羣就燥焚如到松竹況乃灌溉草

毛詩傳童

梁非灌溉之草得水則病

薪醮等摧殘庖廚助煎燭井枯池亦竭是

處開龜兆瓢飲且維艱腹枵詎易飽苗田溥斯害立作
棲苴槁民病思下泉吏才貪上考方徵晉陽絲肯藉琅
琊稻吾寧忍聽睹獨臥憂悄悄巷北走里巫門前來野
老紛然聚其族愁嘆際昏曉或云堯湯年七旱九水潦
周官列荒政六祝五曰禱村中有神社裡自唐宋肇曷
不往乞靈庶登稼穡寶杖藜隨伴出趁此星月皎敢辭

衣沙露翻覺沾溼好古廟散羣鴉荒庭無汛掃片香倉
 卒炷覲徹星象表土偶了不聞吁嗟向晴昊天門詖蕩
 蕩赤日仍杲杲感應理豈無祈年或宜早況聞兵猶火
 早實兵所召不見閩海疆烽烟接窮島出車當此際虎
 旅正南討兩邦封壤連免幸輓輸擾平情易地校擇禍
 此猶小歸各語兒孫家貧善自保世界苦人多豐年古
 來少

結二句皆用唐人成語

勘荒詞

稻根攣縮稻葉焦宿田糧莠方驕驕農夫告荒乞申愬
 踏勘翻逢官長怒催科之吏晨下鄉田今如此何云荒
 直須野無青草木黃落始信天殃魃行虐

七月杪雨二首

元旱經三月農占候畢箕田間苗槁後天上雨來時偏

漑雖無補為災未可知左傳自十月不雨至於五月不

而不報災故云眼前瓢飲足相勸忍朝飢

用盡耕耘力云誰憫作勞老夫憂灌灌赤子訴嗷嗷直
 怕禾無種上非關土不毛但看稊與稗得雨尚能高

聞制府滿鳧山同年恢復臺灣郡縣馳詩遙賀

五十韻

甌粵梯航路宗臣帶礪盟十年開大府萬里寄長城地
 重綏猷遠天高伏莽清鯨鯢安有截蛟鱷靜無驚近置
 臺灣郡仍沿海上名荷蘭初窟穴日本繼兼并古未通

中國今方列外瀛漳泉資扞禦羅鳳拓屯耕畝稅登諸
社郵籤紀十更官從遷轉便商視去來輕守土非憑險
浮家慣逐羸 盛朝當遠馭小腆忽潛萌側聽妖氛起
懸知羽檄橫厥初傳警急其勢劇猙獰劫庫俄焚署
旗遂斫營羣呼烏易合岬負虎難撓推赤虞懷毒蔽
慮沸羹黠雖同鼠竊貪或甚狼爭即事歸經略何顏敢
抗衡大都逋藪澤不異聚山棚幸可鞭箠及寧容癘疥
生撤烽宵拜疏傳箭曉提兵詎待師中命方專聞外征
廈門移玉帳浪島接金鉦風雨來馳驟雲雷動滿盈謀
猷元老壯紀律丈人貞勦撫宜兼用恩威在並行蠱應
周後甲巽必戒先庚銷鑠煇蒸氣宣揚赫濯聲熊羆供

臂指金石貫精誠遣將符分竹潛軍木渡罌登厓持赤
幟映水載青旌餘勇收番舶前茅破啄評竟禡關白魄
那免夙沙烹束縛駢頭至枝梧一足齧乞降殊慘澹積
困失趨趨立見屍填壑毋須觀築京搗巢腥滌蕩奏凱
日晴明鋒鏑兒童避壺漿父老迎別甄功罪吏招復版
圖氓六月戎車飭三秋賊壘平踰旬除獬偷尅日掃欃
槍師貴神而速功惟斷乃成東漸敷 聖澤南顧慰
皇情優詔便蕃錫 殊恩委任榮墨線煩視事華袞重
留卿坐握中台節歸影上相纓雲臺星象列麟閣畫圖
呈公自修文德人皆賀武英誰操燕許筆好勒鼎鐘銘
重過青芝山展座主徐公墓

再入青芝路佳城四望開伏龍延地脈馴鹿護松栽兩
世恩加厚公子大司空亦奉新綸予祭墓故云千秋首重迴老餘門下士
知得幾回來

題武進楊笠乘孝廉詩卷二首

少陵上下古今意多在成都十一篇杜集中戲為六絕及解悶五首皆在

成都時作元裕之論詩三十章做此愛爾論詩續元後不曾餘潘拾前賢

都序誰能重太沖賞奇兼恐乏司空還君行卷為君嘆

可惜不逢潛采翁謂竹垞也時楊以詩乞序故云

題陳崑發九還圖

陳生示我九還圖丹青妙絕神與俱鏡中有花水有月
湛湛之體如太虛三身一性塵無惹離相方能超般若

畫中看畫孰為真形外寓形多是假老夫好佛不希仙
著句殊非蠟腳禪觀色觀空空即色與生同證大羅天

沈仁山送菊

閒居愛重九斟酌吾誰與一棹赴嘉招對花兼命侶重陽

前一日荷招飲昨為芳圃客今作柴籬主也擬續前遊臨觴愁

獨舉時沈方止酒

食蟹有感

稗是荒田稻民間敢告飢無腸憐若輩多足自能肥枹

子無腸公子蟹也楊子一蟹郭索注云多足貌

德尹梓樹橋新居落成詩四章

喜聞成室在斯朝淡水塘東第二橋咸淳臨安志鹽官縣有淡塘即今水

塘義取去塵兼近市易說卦疏為白取其風吹去聲傳
伐木似遷喬粗營別墅三間足只隔西阡百步遙指點
小時遊釣處幾人白髮伴漁樵

同居同爨原初志莫問陶庵與邵庵用虞伯生兄弟事宅買一

千鄰百萬謂曾三芝田山環東北戶西南吹來隔岸畦風好

汲處通泉井味甘我比斯干還善頌不生女子但生男

晨霏暮靄接氤氳邾魯聲從擊柝聞三里詎同千里遠

子瞻與子由詩有不見便同千里遠之句兩家初自一家分子孫賢必師吾

儉童僕頑須策以勤聽取王褒申後約力將灑掃代耕

耘

梓材自昔宜丹艸得地今堪里巷誇三徑垂成先補樹

十年作計勝栽花肯堂肯構情相屬為瑟為琴事豈賒

從此老兄長蓄眼莫教桐樹讓韓家宋人稱韓子華兄弟為桐樹韓家

第七孫生戲作洗兒詩

家門為祖難辭老人世生男不厭多祝汝長成無別法

小名端合喚僧哥歐陽永叔家小兒有名僧哥者一長老在坐戲謂曰公不重佛何取此名

公笑曰人家小兒要易長育往往借賤物為小名如狗羊犬馬之類是也聞者絕倒

題雙松晚翠樓圖為毘陵莊仿鶴封君八十雙

壽

八十年前十八公當時手植今成龍畫師畫龍非畫松

墨光散作雲蓬蓬仙山如雲凡幾重雲開日出露兩峰

丈人卓立碩且豐天姥娟秀排芙蓉其下雙幹爭相雄

蟠根厚地靈氣鍾茯苓雪白琥珀紅倒拔千尺摩蒼穹
樓居乃在翠蓋中何來巢鶴鳴向風此聲不與凡聲同

殷勤寄入瓊瑤宮

李義山畫松詩
路入瓊瑤宮

徐茶坪題拙集見寄四絕書來索和戲次原韻

吟癡符比和凝集

王伯厚云和凝有集百卷自鏤板
行世此顏之推所謂吟癡符也敢

望人傳入菽林土炭自慚殊少味可堪分啗與知音

柳

子厚答崔
黯書中意

及記雲藍咏舊聯近從吳體得新篇玉溪才藻世無匹

降格如何擬下賢

年少楊郎有舅風句如彊敵體兼工

令甥楊笠乘
亦有詩見寄此心

相醉不在酒氣味清于象鼻簫

一犁歸老傷時晚四海論交笑眼空輸爾得名三十載

頭今未白蚤稱翁

吞金啞為烈婦葛曹氏作

之死以自誓義惟殉藁砧如松無改節匪石豈轉心萬
古有長暮千秋方自今誰編烈婦傳采我吞金啞

周柯雲以詩索酒戲畲之

白墮成烏有

用章子厚
送酒事

青蚨化子虛杯乾重九後甕臥

七旬餘

以上四句
僕自謂

無酒誰酤我空函好報渠乞漿須在

酉

古語云太歲在酉乞漿得
酒今逢儉歲似非其時

檢曆問何如

以澆酒一罇貽柯雲聞其有和詩三章而不見

寄意蓋嫌少也再作此調之

賣菜多求益為君酌損之一罇供卯飲半醉聽晨炊得隴宜知足將詩博解頤木瓜期永好投我勿遲遲

懷姪紹

聞汝攜妻櫃辭親自北旋荒涼傳旅食時山左荒旱迨遞趁租船野燒千林斷河冰十月堅可無書一紙安穩報殘年

喜雪二首

雲氣低迷海氣昏窮陰連日暗孤村兒童起報夜來雪九十九峰齊到門
家家茅舍爨無烟何法商量抹口前鴉鵲啄泥蝗入地好從來歲望豐年

再過當湖喜晤翁蘿軒

無事能相憶扁舟兩詣門秋田經夏曠冬日就春溫身健長如此官貧且勿論別中安慰意各喜得曾孫

蘿軒屬題仗節渡海圖

浮山來自東海東合羅為一羅羣峰中有仙人五色蜨奉使遠赴蓬萊宮下視古珠崖浩浩積水空乘槎客星天上落文光南射杼長虹飛飛報海神正直能感通神之來兮蜨以告百匝旋繞官艨艟高桅枝亞搏桑紅前驅蛟鱷逃魚龍坎男平展一泓水巽女順效三更風須臾歛渡五百里自我往矣歸來同回頭却望九州外際天一氣青濛濛繪圖兼題詩詩好畫亦工為君展畫揩

雙瞳濛濛形開栩栩中昔遊非夢恍如夢此境試叩蒙
莊翁

賑飢謔

官倉徵去粒粒珠兩斛米充一斛輸官倉發來半糶穀
一石纔舂五斗粟然糠襍粃煮淖糜役胥自飽民自飢
吁嗟乎眼前豈無樂國與樂土不如成羣去作倉中鼠
兀坐嗟效香山體

贖者視惟明盲者聽必聰兩官互為用缺陷相彌縫今
我殊不然眼暗耳復聾無聞亦無見兀坐成癡翁逝將
塞其允母勦說雷同作詩以自箴庶免尚口窮

兩月來連送荊州季方兩兄及聲山姪葬感賦

吾宗衰已甚窳窳復連旬賸得扶藜手頻為執紼人
知羸魄妥儉諒子孫貧幾點將乾淚偏傷後死神

潤木陞學士

初傳當換秩京堂員缺弟方列名引見隻日忽宣麻唐制學士院於隻日宣麻冷

署官仍達空囊俸稍加一門岐出處二老謂余與德尹借光

華人指東西屋多稱學士家

七十三唸壬寅元日作

白髮高堂咲語參滿卮春色進黃甘雞聲驚起兒時夢

五十年前二十三夜夢先父母在堂兒孫羣奉觴上壽醒而追憶五十年前先安人見

背余時年纔二十三恰合詹義成語遂借用之

憶在武英春殿裏五更冰雪趁朝參而今日宴猶高枕

花甲周來又十三

余年六十奉旨領武英書局

送春簫鼓到城南詩被催成酒半酣此景回頭如昨日

年開八秩已加三

已亥冬客南昌答李明府送春牛詩有硯田別有耕犁叟已是年開八秩

時之句

我咲山陰老學菴閒中往往好高談隔年甫乞宮祠祿

又嘆窮愁七十三

陸放翁年七十二再乞領宮祠其詩云七十人言自古稀我今過二未全

衰明年又作七十三嗟則云髮無可白方為老酒不能賒始是貧何前後自相戾也

三杖篇

并序

癸巳夏將出都揆副相自塞外寄送赤藤借山上

人亦以桃枝贈別乙未春客遊三山老友林同人

復貽椶竹一條先後有詩報謝自爾家居無事日

常摩娑間一出戶必攜以自隨因成長短句一章

世出世間同心無幾感茲故物久與周旋遠銜故

舊之情近資將伯之助老懷棖觸不覺言之長也

文端

揆公謚

遠寄七尺藤瘦筋入骨堅稜稜林翁近貽一

尋竹肌理年深滑如玉紅椒所贈材稍慳稱意亦復輕

而園初白庵中幽獨叟叟一杖三成四友平生遊好凡

幾輩及此衰遲誰耐久自從得三杖重結物外緣導前

行徐徐顧影來翩翩不傷世尊面不倚洪崖肩不化葛

陂龍不叅八棒十三禪入我左右手不計於國於鄉年

有時課農桑卓立古路邊有時問酒家高挂阮修錢有

時步簷看牛斗有時曳向柴荆前有時登臨試腳力扶

持直上青山顛有時用其一更番出入循環然有時一
 不用舍則藏耳非棄捐人皆嫌我懶爾乃周旋護其短
 人皆嗤我迂爾胡步步趨亦趨杖兮杖兮爾之三身兮
 本一身釋典以法報應為三身自天作合兮非無因吾方愛爾如
 弟昆兮親爾如子孫何有乎管鮑兮何有乎雷陳彼四
 海九州之人兮又何勞履我即而過我門同年皆四海九州之人語

正月十日赴曾三之招偕諸弟西阡看梅

好是花期卜復更前四日見邀為雨雪所阻花光照雪眼尤明禁當
 臘底連旬凍報答春來兩日晴人事過年多變態天工
 於我豈無情肩隨諸弟頭皆白又作山前一隊行

席間戲嘲德尹

合與寒梅作主人花時往往亦稱賓東家酒熟西家醉
 卜宅方知為卜鄰德尹新居西去曾三纜數十武故云

元夕招諸弟小飲二首

數數貪相見寥寥歎索居為歡宜卜夜隔宿費傳書歲
 儉稀村鼓園荒賸野蔬勸餐殊少味亥日也無魚香山詩亥日沙頭始賣魚今從市中覓鮮鱗不可得故云

海國春長晦山堂冷欲冰一尊元夕酒幾盞舊年燈取
 樂非絲竹披懷勝友朋薄雲如作意相送月微升

驚蟄前一夕大雪壓折庭梅一極

驚蟄庭梅發方當爛熳期橫遭連夜雪壓折近窗枝枯

苑原關數倚難詎有知老翁為蚤起惆悵獨移時

送沈麟洲之任文昌兼懷同年盧仲山及門孫

洪九時盧宰臨高孫宰瓊山皆文昌鄰邑也二

首

去國資裝儉嚴程里數長初為乘傳客舊是校書郎碧

海天無瘴生黎峒有香故知非俗吏改邑領文昌沈於武英

書局議叙初掣茂名改授今邑

交遊多遠宦往往隔音塵復此臨岐路因之憶故人京

華送孫楚江閣別盧綸不附書相寄為言嬾是真

次韻屠艾山中丞閱吾邑塘工紀事四首昔少

陵和次山春陵行而不寄元竊仿其意聊志築

塘始末沐膏澤而咏勤苦草野之情自不能已也

重聞海底出桑田拯溺心勞豈偶然土本無情能尅水

人今有力可回天行看瀉鹵同剛鹵時至前賢讓後賢

從使鹽塘堅似鐵咸淳臨安志鹽官縣有鹽塘即海塘也一城何止萬家

全

捷石頽林徧井閭剝膚長恐化為魚但祈河伯薪相屬

或覲陽侯射可祛前此有用築河隄法課民間出蘆葦及遣術士射潮者下策隄

防多類此頻年畚鍤最憐渠賴君來砥中流柱歲晚方

休力役車

雲夢寧論八九吞閒憑里老慰驚魂身隨汨出餘生幸

荀善堂詩集卷二
眼見塵揚有數存萬竈騰烟迷黑白二儀噓氣判清渾
蛟鼉遠徙鳧鷖樂汎渚眠沙比在壘

漁帆樵舶任西東夕汐朝潮兩信通龕楮鎖江收牡鑰
塌尖綿岸吐雄虹幾人築室如謀道他日爲輪效轉蓬
千古隨刊歸禹蹟未聞海外奏神功

德尹自新居乍歸復有吳行朝來偶過補屋辛
夸方花口占一律招芝田弟小飲

主人昨日返先廬冒雨連宵又入吳乙鳥不巢書屋冷

辛夸自萼海棠枯庭前舊有海棠一本今萎矣騰留寂寞娛詩老那

免顛狂憶酒徒小摘畦蔬供薄醉眼前有景肯教辜

喜韓自爲過訪村居

吳興前輩盡尊甫子蘧先生及座主徐蘋村先生海角故交疎豈意停歸
櫂猶煩訪敝廬采詩千載後自爲有近詩兼之選話舊廿年餘村
野無供給非君孰諒余

雨中牡丹戲作吳體

錦帷錦幃貧家無風雨故來侵汝膚半黏半落袖上垂
一瀉一斛懷中珠爲誰含咲忽成泣向我低垂可要扶
安得南唐名畫手調丹與寫沒骨圖

楊致軒命工寫補衲圖自題四絕句大抵皆寓
言初白老人不欲一語道破贈以六言四偈拈
華微咲正不必從大衆索解也

偈仄藕絲針孔直從古古到今還珠誰開左手補衲自

貯苦心

情難校銖輕重口戒言雖有無待赴投鍼機會耐加磨
杵工夫

隨身不挂寸絲傳法纔留一縷本來無縫天衣忍說西
穿東補

去且打包行脚歸當縛律坐禪金粟影中頭面木犀香
裏因緣

題沈房仲所藏湯少宰西厓畫卷二首

淋漓五株樹墨氣互瀆薄試問輞川翁何須着邱壑

人人讀公詩惜少見公畫我今領其趣妙豈在詩外時

子良報以少宰詩
集屬校閱故云

罌粟花

投種記中秋向榮及初夏閱時嫌汝久開眼迨我暇穀

雨初過旬牡丹已前謝繁葩相繼發紅紫弄嬌妖轉瞬

三日中流光激如射紛紛豔質委一一青房亞感此花

得名象形出假借罌儲能幾許囊括乃無罅亦名米囊自從

去年旱穀貴吁可怕野人方忍饑望爾甚望稼謀生惶

遠慮是物貪速化少待粟粒成石鉢付碾研煎熬比牛

乳何有乎燔炙撐腸或無力養胃庶有藉以上六句煎
罌粟湯法見

蘇子由藥
苗詩中此法勿輕傳吾將高索價

初夏連雨獨酌

夜倒茶藤架朝翻芍藥叢只消三日雨又過一番風春

敬業堂詩集卷一
事眼看盡芳樽誰與同朱櫻青豆莢問我忝鄰翁

喜晴

麥壠風來煮繭香桑疇雨過熟梅黃好花辭蒂半成土
新筍放梢齊出牆習嬾連朝忘盥櫛為鄰幾戶返流亡
曝書曬藥吾生事也逐田家四月忙

閒中觀蠶作窠惡其顯設禡機而憐飛蟲之
不知避也感嘆成十四韻

長跣蠅蚋族天生性不廉醜形皤爾腹毒網匝吾簷一
目初抽繭千絲乍滿奩團團行小磨細細織疎簾巧自
星邊乞身長屋角潛女工偷緯經去軍法竊韜鈴意阱
方施設心兵孰戒嚴蠓蠓穿孔礙蜂蜚被藜黏竟少周

防智能無掩襲嫌此難逃越喙彼或遇羅鉗有命胥愁
觸靡求不取兼禍憐飛處召貪問幾時厭物類多相賊
生機豈盡殲微吟聊託興即事感勿覘

次韻同年李耆三南昌署中見懷之作兼寄令
弟少峰明府

瓊林一會散如煙官職才名孰兩全閒却種花裁錦手
晉三曾宰江好題濯錦浣花箋戲用韓浦聞君唱和成

新集使我低徊憶往年安得因風生羽翼難兄難弟共
盤旋

得泉法師自徑山歸以茶筍見餉戲畬一偈

茗柯實理能悟玉版新參孰偕何福消磨清供為師二

十九齋

吳仁璧詩二十九齋餘日在請君相伴醉如泥

小暑勸農辭

兩旬赤日過 平黃梅稻針渴水田生埃人情方憂去年

魃天意突回小暑雷農占云小暑一聲雷倒披蓑走勸

耕耨侶斗柄指丁宜藝黍四方水旱吾不知近與村鄰

紀晴雨淮南子夏至加十五日斗指丁則小暑

送楊致軒赴淮上並簡總河尚書陳滄洲

營生畎畝中外事百不知夜枕來好雨晨興課耕菑有
客將出門扁舟過我辭云當謁父執遙沂清江濬似聞
淮黃交海道廢不治上流漸填淤漕粟行遲遲去冬數
萬艘回空去悉後期河臣日坐嘯公帑徒虛糜九重

南顧憂宵旰允在茲天下有鉅任楚材起當之矯矯湘

潭公望隆朝野毗司空職水土特簡非時咨下車甫

三月積弊端端釐別開延攬途奏入報可隨顧惟需

才際遄往夫奚疑憶昨陪南巡開河議方滋聖聰斥勿

聽仁被枯骸黜使者免冠謝跪聆切責詞子時理北河

底績在下邳桃花千里浪故道復一支上考記姓名把

麾旋量移西涼極邊郡忍使侍養違棄官返子舍色咲

依庭幃三年檀州城形影肯暫離父在代父勞父歿扶

櫬歸銜哀舉大事黽勉獨力措子性實至孝子才故難

羈焉能盛壯年鬱鬱長衡茨大儒況當道行矣得所倉

歸音依與輕車就熟路成此一段奇我有肝膈語殷勤効

臨岐子家門閥高仍世澤未漓願為良馬逐莫作芟駕
馳曹輩豈乏賢心期古為師奢須示以儉愛必視乎施
上為國惜財下亦量已資謹身而節用歷試何不宜曾
行意盡此或勝酒一卮

四時行樂圖為張楚良題

春

眼前自饒春意何必三十六宮紅藥扶頭宿雨綠楊踈
地輕風

夏

蕉陰似薄非薄桐葉雖多不多竹八桃笙瀟洒樓臺
扇按搓

秋

水北水南霜氣船頭船尾衣香離離人影花影的的濃
粧淡粧

冬

童子開爐煮雪幽人倚檻披氈兩眉喜氣浮動又得新
詩幾聯

題潘銘三孝廉相馬圖小照四首

房星偶然降地上有騏驎紛紛阜櫪下孰是九方歎
杏葉韉未施桃花色堪愛君其賞神駿或在驪黃外
骨有買千金才誰展萬里人間高築臺請自郭隗始
曹霸丹青手逢人亦寫真試看相馬者此豈尋常人

題沈紹衣遺像四首

人稱沈隱侯自比林君復竹外一梢梅梅邊數間屋

少壯記同遊廣談讓虞筆神理宛然存呼之疑欲出

拙閒吾好友陳六謙澹遠吾賢從家聲兩三幅上句五十

年前夢二人各有題辭今亦下世

久在人間世孤懷語向誰還將病風手追和草堂詩

哭馬寒中四首

含咲君過我含悽我送君悲歡朝夕變來往死生分性

命脆如此流傳駭所聞從茲當食嘆不獨感離羣是日晨過

余午餐尚健飯輟筋後忽云頭暈至遣輿丁舁之歸中途氣絕矣

一發真難救從知病有根禍深同室鬥痛徹九原竟豈

少相關意終慙未盡言數行身後泪無補是生存

十里南塘路歸兮認故居一生豪氣盡萬事蓋棺初妾

守牽蘿屋兒收插架書詒謀須善體兄弟好相於

太息歸田後何人問草萊嬾知吾少出勤望爾頻來造

物忍相奪孤蹤良自哀徑荒門尚設行復為誰開

長生木瓢歌有序

塞山千年松瘦內侍采以為瓢覆如蝦蟇仰如荷

葉中容一升許體輕而材堅叩之有聲乙酉秋隨

駕避暑口外蒙恩頒賜者閩中林鹿原取少

陵詩語名之曰長生木瓢八分書其旁閒牕檢點

舊物以歌紀之并邀德尹同作

老蟾爬沙離月戶走上寒巖古松樹化而爲癭質漸堅
雪錮冰膠肌理附夜叉欲割電火燒頤未及張其背焦
不知閱世經幾劫大似箕山舊挂瓢中官采同豫章樸
雨洗泉澆出新沐豹胎拆骨僅留皮鱉甲割腸殊少肉
外睥兩目頭微頤音仰擎無柄幡幡荷旁敲儼聞聲閤
閣中翕能受形幡幡當初曾浥官廚酒拜賜居然落吾
手今來飲水每思源甘與支離分相守詩人好古命以
名杜章可斷標長生瓢乎瓢乎汝之真率吾所愛毋逞
狡獪伎倆復變蝦蟇精

建蘭盛放戲成二絕

新芽續續茁陳根可惜看花眼漸昏天與此翁留鼻觀

秋來香到第三番

名種何須九畹滋閒堦也長子孫枝癡懷尚作明年計
手剪花麩供佛瓷

明窗吟

閉眼則見暗開眼則見明問窗窗不知多緣吾眼生紛
紛黑白花變幻靡定形丈室修止觀滿前水清泠盡除
昏暗鎖勝閱光明經

淨八吟

八淨豈有垢塵來集無端方其初集時拂去良不難既
拂旋復集我勞何時閒有心斯有塵應作無垢觀毋爲
一塵役流轉心目間

古杏山 先奉政公祠下老桂四株每歲花時
觀者襍沓余兄弟年踰七十曾未一寓目中秋
前七日德尹治具攜紹姪及沈甥房仲椒園偕
往小飲花下得詩二首

山從金粟近分支中有吾家古桂祠百尺煙霄扶老幹
兩朝雨露長孫枝天教人健兼無事僧報花開正及期
七十餘年輕擲過只爭一日勿嫌遲

先一日相約
為微雨所阻

小春天氣氣清和

邵堯夫詩以八
月為小春天

恰喜招攜少長過風

出牆頭香馥郁日翻屋角影婆娑瓦盆瀉酒三升釀芳
樹攀條一曲歌聊解鄰人嘲笑語子孫來少客來多

重九前三日庭桂復花適聞德尹自吳門返棹

口占招之

倏過中秋已二旬再開花似為歸人明朝便恐紛紛落
何暇招呼夏及賓

謂東亭曾三
芝田諸弟

後二日德尹乃來花落矣

今年夏旱秋無菊賴有深叢發晚香昨日不來今日落
可憐明日又重曷

九日不可無詩湯賦

古來此節非今始天下何人似我閒無酒無花省留客
不風不雨罷登山秋高烏帽黃塵外興寓疎籬落照間
獨把一篇訓九日從他雲物咲慳頑

吾邑海隄告成制府滿鳧山疏請立海神廟親

來度地於小尖山麓 皇上御書協順靈川四
大字錫之扁額用示褒崇壬寅仲冬藩臬二長
祇承臺檄蒞止廟中虔恭將事慎行老病里居
獲逢盛典敬賦俚言以志不朽云

路轉山迴海接天高囊巨桷鎮山前神封不以公侯重
睿藻長如日月懸雲散蜃樓呈象出波平龍窟抱珠
眠堯民同此安耕鑿來與 君王祝萬年

戲咏案頭哥窯唾壺

小器託名製流傳自章一咳唾承幾人今來入我室我
非王處仲汝口保無缺

長齋繡佛圖為楊笠乘節母賦二首

庭下一梧桐初生鳳已孤桐今高出屋辛苦鳳將雛
佛力隨人願年深事果諧孝烏能反哺慈母愛長齋

再為笠乘題江天一笠圖次原韻二首

魚尾殘霞照水紅健帆劈箭指遙空渡江桃葉不用楫
自有少男少女風

浪白青天曉日紅飄蕭一笠好凌空人生快意偶然爾
若是順流休使風

十二月初四日恭聞 大行皇帝於十一月十

三日賓天而詔使未至小臣病廢家居不敢草
草成服搶地呼天悲哀欲絕旋復收召魂鬼賦
輓歌四章祇自述銜 恩負痛之私至於 帝

德 皇猷充浹宇宙詳於記注千古為昭固非
草莽蕪詞所能形容萬一也

皇帝升遐率土知北來 哀詔尚遲遲家居水遠山窮
處耳聽天崩地坼時却望雲霄心似醉未填溝壑命如
絲此身直是拖腸鼠流落人間浪自悲

功高參贊道彌綸鴻澤靡涯造化均乾健坤貞時久泰
日暄雨潤物長春兒童今作耕耰叟卿相誰非教養人
六十一年無改號始終 堯曆兩壬寅

臣本無才拔擢優旋憐衰病許歸休篋藏 宮硯蛟螭
護架奉 宸章日月留楹帖兩行珠十顆堂顏一笏玉
雙鈎貧家何物非君賜說與兒孫總泪流

一昨曾充侍從班如今視息愧投間 起居路隔千官
外頂踵 恩深廿載間弓是烏號驚忽墮髯隨龍去杳
難攀傷心枕上春明夢髣髴猶疑覲 聖顏

敬業堂詩續集卷二終

姪男

學校刊

